



H.M. 81.

1881





MARBH-ROINN

DO

MHR. ALASDAIR MACCUCA

A BHA 'NA FHEAR-CEASNACHAIDH ANNS A' BHAILE  
SHALLAINN; AGUS DO

MHR. PARRUIG DAVIDSON

A BHA 'NA MHINISTEIR AIG TRAIGH A'  
CHAISTEIL, ANN AN ARAINN, AGUS MAR AN CEUDNA DO

MHR. NICOL

A BHA AIR TUS 'NA MHINISTEIR ANN AN EILEIN CHOLLA, AGUS  
NA DHEIGH SIN AIG T-SEASGAN ANN AN ARAINN

LE

SEUMAS HAMILTON.



GHLASCHU:  
CLOBHUAILTE LE GILLEASPUIG MAC-NA-CEARDADH,  
62 SRAID EARRAGHAIDHEIL.

1877.



LAURISTON CASTLE  
LIBRARY ACCESSION

## MARBHROINN, &c.

---

M A R B H R A N N,

AIR MAIGHSTIR ALISTAIR MAC CUCU NACH MAIREANN A BHA  
NA FHEAR CEASNACHAIDH ANNS A' BHAILE SHALLUINN.

Och, sinn a fhuair ar lot 's ar leòn,  
'S is goirt 's is geur an diugh ar bròn,  
A's fear ar gaoil 'na luidh fo 'n fhòd,  
'S ri 'r beò nach cluinn 's nach fhaic sinn e.

Och, sinn a theid na r' fàsach cruaidh,  
An uair bheir Dia leis dhachaidh uainn  
A mhuinntir féin a dhùisg e suas  
Chum uain na treud a bheathachadh.

'Sa bheir e leis a chum a ghlòir  
A phobull féin á gleann nan deòir.  
A dh' imeachd leis air sràidean òir,  
Na Cathrach ghlòirmhor bheannaichte.

A's chum an t' sonais shiorruidh bhuan  
Tha n' àros naomha Dhia nan sluagh  
A dhearcadh ann air glòir an Uain  
Le suaimhneas siorruidh maille ris.

'S e m' buile cràiteach e san t' saòghal,  
'S gach àite ann le uain na treud,  
'Nuair bheirear uatha luchd an gaoil  
A bha le saoth' r ga 'm beathachadh.

Cha dean aon nì am briseadh suas  
Ach Dia e féin a theachd a nuas  
Le chumhachd shiorruidh thabhairt buaidh  
Do fhuaim an t' soisgeul bheannaichte.

Tha aon dhuibh sud mu 'n deanam sgeul  
Na n' d' thoireadh Dia dhomh comas geur  
'S na 'n d' thoireadh e dhomh fosgladh beul  
A chur an céill a shubhailcean.

'S e Maighstir Alistir Mac Cùc,  
A tha mi féin a nis fa ròn;  
Le comhaidh gràimhor Dhia nan dùl,  
A chliù a bhi ga aithris dhuibh.

B' e sgeul a bhàis an naigheachd chruaidh  
 'Nar n' Eilean féin ma dheas 's ma thuath  
 Air feadh gach cèarn a measg an t-sluaigh  
 Se ghluais an com 's an cridheachan.

Thug sud air iomadh sùil na deòir.  
 'S air iomadh cridh thug e dubh bhron  
 'S e rinn an lot gu geur san leòn  
 Ni 's mo nach cluinn 's nach faic iad e.

Be 'm-buile goirt e agus geur  
 Do chaoirich bhoichd 's do uain na treud  
 A dh' fhàg e bhos na dhéigh san t'saoghal  
 Gu deurach trom 's gu muladach.

An nair bha esan òg is treun  
 Is glic gu leòir na bharail féin,  
 'S gun aithn' air Dia na aithn' air féin  
 'S gu leir e dall a's ainedlach.

Bi toil an Ard Rìgh is an Uain,  
 Gu biodh an neach ud dùisgte suas,  
 A dh' fhaireachdainn a dhaorse chruaidh,  
 Sa n' truaighe shior a leanadh i.

'Sa dh' fhaotainn eòlas air an Uan,  
 'Na bheatha naomh 's na bhàs ro-chruaidh,  
 'S na feartan siorruidh tha teachd uaith  
 Le buaidh a thearnadh peacaichibh.

Air anam dhoirt e nuas o'n àird,  
 Mar dhrùchd nan nèamhan spiorad gràis,  
 'S bu tric le 'Thriath a chomunn gràidh  
 'S gach àit' bha sud ra fhaicinn air.

An uair thug Dia dha aithn' air féin,  
 Lion E a chridh' le gràdh 's le h-eud,  
 A's chuir E mach e 'chur an céill  
 Na saorse shiorruidh bheannaicht' ud.

Do pheacaich thruagh gun aith' air Dia,  
 Is iad mar dhaoine chaill an ciall,  
 A' ruith air faobhar claidheamh Dhia,  
 S gu dian dol sìos do dh' ifrinn.

'N uair air mar so a dh' éirigh ghrian  
 Le leigheas Slainteil fo a sgiath,  
 'S i thug air anam iomhaigh Dhia,  
 'S be n' fhianuis àrd is shoileir e.



'N nair dh' fhosgail Dia a shùilean dha  
 A dh' fhaicinn truaighe sluagh gun ghràs,  
 Aig ruith gu dian chum bròn is cràdh,  
 Fo n' darra bàs an ifrinn.

Bha chridhe caomh an sin g'a chràdh  
 'S bha anam laiste dhoibh le gràdh,  
 'S thug sin air bhi g'au gairm do ghnàth,  
 Chum Slànuighear nam peacaichibh.

Thug Dia dha pearsa maiseach, grinne,  
 Cha mhòr bha cosmhuil ris 'n a linn  
 Se ghuth bhiodh cùbhraidh agus binn  
 Do n' anam thinn is ainneiseach.

Bu tric a bhiodh e air a ghlùn,  
 A gleachd gu dian ri Dia nan dùll,  
 Air son a làthreachd san as ùr  
 Sa ghnùis ro ghràs-mhor fhabhorach.

Air Crìosda fhuair e eòlas àrd  
 'S bha sin ra fhaicinn air 's gach àit',  
 Sann aig a bhiodh na féisdan gràidh  
 Le Shlan'ghear naomha beannaichte.

An nair a thigeadh e o ghlùn,  
 An deigh bhi n' uaigneas ann an cùil,  
 A faotainn ann a rìs as ùr  
 Comhechomunn dlùth ra Thighearna.

Sa sheasadh e an làth'r an t' sluaigh,  
 Le h-ùghd'ras Dhia o nèamh a nuas,  
 A' deanamh fianuis air an Uan  
 Le fuaim ro naomha bheannaichte.

Bhiodh dreach na naomhachd ann a ghnùis  
 'S bhiodh sealladh nèamhaidh air a shùil  
 Sa chainnt a sìleadh mar an drùchd  
 Le cùbhraidheachd o bhilean sa.

Thug Dia dha gibhtean mòr is àrd,  
 A's buaidhean naomhaichte trid gràis,  
 A sheirm do dhaoine anns gach àit',  
 Mòr shaoibhreas gràis an Tighearna.

A's thug e ungadh dha o nèamh,  
 A chuir air anam mais is sgèimh,  
 'S an amhainn Dhe tha ruith gu sèimh,  
 Bu tric air snàmh bhiodh anam san.

Bho àm ath bhreith gu latha bhàis  
 Bha Dia dha féin mar ionmhas gràis,  
 'S bhiodh e toirt fianuis anns gach àit',  
 Air feartan bàis an 'Tighearna.

Bu naomha glic e anns gach cùis,  
 'S bu sòlumn' daonnan dreach a ghnùis,  
 Sa se nach caitheadh mòran ùin',  
 Gun chomuun dlùth le 'Thighearna.

An cùisibh aimseirail an t' saòghail  
 Bha aige tuigse shoileir, gheur,  
 Bu tearc a leithid measg nan daòin  
 'S bu chéillidh glic a chomhairlean.

Bu deas a chainnt 'n àm cur an céill,  
 Na fìrinn dhuinn 'e fhocal Dé,  
 'S 'n uair bhiodh e treòrachadh na treud  
 'S le mana Dhé ga'm beathachadh.

Sann ac' a bhiodh na féisdean gràidh,  
 A's Dia a dòrtadh orr' o n' àird,  
 Be m' meadhon beannaicht e an làimh  
 An t' Slànuighear ga n' ionnaltradh.

Bhiodh fàileadh chùbhraidh nuas o nèamh  
 A lionadh uain na trend le gràdh  
 A's bhiodh an cupain aca làn,  
 A's toiseach nèamh air thalamh ac'.

Gach àit sam biodh e deas a's tuath,  
 A seirm dhoibh tròcair trid an Uain,  
 Bhiodh beannachadh am measg an t-sluaigh  
 Ré fad a chuairt 's an Eilean so.

Bhicdh Dia dol maille ris 's gach àit  
 Sa dòrtadh beannachdan o n' àird  
 Sa m' mana tuiteam air gach làimh  
 Sa phobull gràidh aig itheadh dheth.

Se bheireadh rabhadh do gach neach  
 Mu fhearg an Uain a ta ri teachd  
 'S m' an chorrnich dhian a tha gu beachd  
 A teachd o Dhia air peacaichibh.

Sa dh' fhòsgladh suas gu farsuing réidh  
 An t' slighe nuadh chum fàbhar Dhe  
 Trid feartan sìorruidh fuil na réit  
 Is reubadh feoil an 'Tighearna.

An spréidh bhiodh lag is trom le h-àl  
 Se bluineadh riù gu caoimh 's gu sèimh  
 Sa chuireadh ri a n' crenchdan plàs  
 Gu gràdhach caomh 's gu faicileach.

Se dheanadh dealachadh ro gheur  
 Chur eadar treudan agus treùd  
 Sa stiùreadh pobull naomha Dhe  
 'Sa cheum bu choir dhoibh imeachd ann.

Be n' stiùbhard ro dhileas e da Thriath  
 A tabhairt do gach treùd am biadh  
 Sa beathachadh nan uain le cial  
 'S o threùd an diobh'l ga n' dealachadh.

Se leigadh ris gu soileir geùr  
 An cùineadh truagh nach deanadh feum  
 'S air nach robh stàmpaite iomhaigh Dhe  
 'S nach d' theid gu bràth do fhlaithneas

Sa bhriseadh aran cloinne Dhe  
 Le facail naomha is le céill  
 Toirt do gach aon a chuibhrionn fein  
 'S le eùd is gràdh ga m' beathachadh.

'Se sheideadh trompaid lagh Shinài  
 Ri peacaidh uaibhreach anns gach àit  
 Sa dh' innseadh dhoibh as eugmhais gràis  
 Fo n' dara bàs gu bitheadh iad.

'Sa dh' innseadh dhoibh mu n' bhaile dhion  
 A dh' fhosgail Dia dhoibh ann an Criosd  
 'S na m' faigheadh iadsan ann gu biodh  
 Gu siorruidh buan iad tearuinte.

Nuair sheasadh e an làth'r an t' sluagh  
 Fo bhratach naomha Dhia nan sluagh  
 An teagasg naomh a thigeadh uaith  
 Bu chruaidh an cridh nach leaghadh e.

Ach sguir e nis bhi labhairt riu  
 Oir dhùin am bàs 's an t-saoghal so shùil,  
 'S tha dhùslach beannaicht anns an ùir,  
 Gu maduinn ùr na h-aiseiridh.

A ghuth cha chluinnear leinn ni's mo  
 Oir chaidh a ghairm a dh' ionnsuidh gloir  
 Is dh' fhàg e threùd an gleann nan deòir  
 Gu brònach trom na dheighidh ann.

Be m' buile geur is goirt is truagh  
 Do chaoirich Chrìosd is da chuid uain  
 Mar sgar am bàs an teachdair uath  
 A bha gach uair ga n' teagasg san.

'S mar dh' fhagadh dhoibh an Teampull fàs  
 Bha iomadh uair mar gheata neamh  
 'S an anam anu a faotainn tràth  
 A lànachd naomh an Tighearna.

Thug Dia e leis a gleann nan deòir  
 Is ghairm e suas e chum a ghlòir  
 A dh'imeachd leis air sràidean òir  
 Na Cathrach ghloirmhor bheannaichte.

Far nach bi bàs na cràdh na leòn  
 'S nach faicear ann air sùil na deòir  
 Is far nach stad gu siorruidh n' ceòl  
 A gloireachadh an Tighearna.

Tha nis e n' sud a snàmh a chuain  
 A bhlais e bhos an àm a chuairt  
 Sa chuir air fadail a dhol suas  
 Bhi leis an Uan 's le Athair san.

Tha nis e stigh san àros shuas  
 A dearcadh ann air gloir an Uain  
 Le sòlas siorruidh nach gabh luidh  
 Fad linntean buan na bithbhuantachd.

Os cionn gach buaireadh rinn a leòn  
 'S gach scolb a fhuair e anns an fheòil  
 Thug air gu tric bhi gull sa bròn  
 Sa thug na deòir gu minic air.

'S far nach bi nì an nì gu bràth  
 A chridhe naòmh a san a chràdh  
 Is far am bi gach anam lan  
 Do ghradh do n' Rìgh 's do n' Tighearna.

An t' àit a rinneadh ann a chridh  
 Do n' neach da n' ainm an Ti is Mi,  
 Bidh air a lionadh nis gun dith  
 'S gu siorruidh buan e sàsuichte.

Tha e nis shuas a stigh na chùirt  
 Leis fein a thug e chum a chrùn  
 Le sòlas siorruidh seinn dha cliù  
 Na Lùchairt naomha bheannaichte.

Na h-amhghair mhòr is ghoirt is gheùr  
 Roimh n' deachaidh e dol suas roimh 'n t saoghal  
 Tha nis e os an cionn gu léir  
 Leis féin thug sàbhailt dhachaidh e.

'S e seinn le òran siorruidh buaidh  
 'S le sònas iomlan nach gabh luadh  
 A tabhairt gloir do Dhia 's do 'n Uan  
 'S do n' Spiorad uasal bheannaichte,

A shaor o phiantibh siorruidh e  
 'So bhi gu siorruidh buan a snàmh  
 An cuan do chorruich Dhia 's ga chràdh  
 Gu bràth far nach bi maitheanas.

Le dòrtadh fuil ro naomh an Uain  
 'S le bhàs a bha ro chraiteach cruaidh  
 A dh' fhuiling e an àit a shluaigh  
 Chum truaighe shior nach rachadh iad.

Sa ghlan o pheacaidh e gu léir  
 Le feartan fhola phriseal fein  
 Sa thug air anam iomhaigh Dhe  
 Le fuil na reit a chrathadh air.

'S roimh n' fhàsach mhòr a stiùir a cheum  
 A measg gach cunnart air gach taobh  
 Sa thug e as gach gàbhadh geùr  
 Na latha fein roimh n' deachaidh e.

'S am fùrneis theth an amhghair mhòr  
 A rinn a dhearbhadh mar an t' òr  
 Sa dheasachadh air son a ghlòir  
 Nuair as an fheòil a rachadh e.

Sa nuair a chrìochanaich e rèis  
 A thug e dhachaidh suas leis fein  
 Chum Caithir rioghail uasal De  
 Le greadhnachas do labhairt air.

A chantainn ann an orain nuadh  
 'S gu siorruidh sheinn le òran buaidh  
 Sa dhearcadh ann air gloir an Uain  
 Le suaimhneas siorruidh beannaichte.

'S bi e mar sin le Dia e fein  
 A snàmh gu siorruidh 'n cuan a ghaoil  
 Le sòlas siorruidh air gach taobh  
 'S gu saoghal nan saoghal cha teirig e.

Cha ruig e cull a chuain gu bràth  
 'S cha n' fhàs e sgith a bhi ga shnàmh  
 Cha n' fhuaraich ann gu siorruidh ghràdh  
 'S cha n' fhàs e trom na fadalach.

Bi'n sud e leis a chuideachd mhòr  
 A dh' fhàg gu siorruidh gleann nan deòir  
 'S tha ma n cuairt do n' Chaithir mhòr  
 'S air glòir an Uain a dearcadh ann.

'S le Halleluia shiorruidh bhuan  
 A tabhairt as na neamhan fuaim  
 A seinn do n' Athair naomh's do n' Uan  
 'S do n' Spiorad uasal bheannaichte.

'S an anamibh gu h-uile strìochd  
 An lathair Dhia m' an Chaithir Rìgh  
 Le 'n crùn na 'n luidh aig casan Chrìosd  
 'S gu siorruidh buan ga mholadh ann.

## M A R B H R A N N .

AIR MAIGHSTIER PARUIG DAVIDSON NACH MAIREANN A BHA  
NA MUINISTIER AIG TRAIGH A' CHAISTEAL ANN AN ARAINN.

'S iad pobul naomh an t 'Slanuihear  
A tha gu tric na'm 'smuain,  
A mhuinntir sin a b'aithne dhuinn  
Sa chaidh n' toirt dhachaidh suas,  
A chum an àros bheannaichte,  
A cheannaich dhoibh an t-Uan  
Far am bi iad a dearcadh air  
Ré fad na siorr'eachd bhuan.

Tha Teachdairean an Tighearna  
A nis ga 'n tabhairt uainn  
Sa dol a chum nan nèamhan leis  
Bhi snàmh an gaol an Uain  
'Sa bhi gu siorruidh maille ris  
Ag amharc air a ghlòir,  
Le sòlas siorruidh beannaichte  
Ré fad na siorr' eachd mhòr.

Bha aon do 'n mhuinntir bheannaicht ud,  
Bha maille ruinn 'san t-saoghal,  
'Sa bha leis ann a fhionlios san  
Gu dìchiollach ri saoth'r,  
Be Maighstir Paruig Davidson,  
Bha measg na 'n daoine còir,  
A bha gu naomha iriosal,  
Sa 'n t-slighe dh' ionnsuidh glòir.

Thug Dia o chrò nan caorach e,  
A bha feadh fraoich is beann  
Is fòs o bhi ga'n ionaltradh  
Feadh innis agus ghleann,  
Rinn e a ghairm gu h-éifeachdach  
Le Spiorad saor nan gràs,  
'Nuair bha an liontibh Shàtan e,  
Gu laidir aige n' sàs.

Thug Dia le ghàirdein siorruidh e  
O bhi an daorsa chruaidh  
Is anns na cnibhrean làidir ud  
A thàirnachd e chum truaigh

A's thug e eòlas slàinteil dha,  
 Air slànuighear na'm buadh,  
 A's tharruing iomhaigh bheannaichte,  
 Air anam anns gach buaidh.

Chuir Dia a chruth 'sa chumadh air  
 Is chaill e cruth an t-saoghail,  
 'S bu tric a chomunn gràsmhor san  
 Le Slànuighear a ghàoil  
 Thug Dia dha càil a bheathachadh  
 Air aran beò nan treud,  
 A's anam bhi ga shàsachadh  
 Le fuil is feòil Mhic Dhé.

Cha bhiodh e idir sàsaichte,  
 Gun tràth bhi teachd dha nuas;  
 Bu tric bhiodh anns na cùiltibh e  
 Le dùrachd ris an Uan,  
 Air son na h-anail chùbhraidh ud  
 Is comunn dlùth le Thriath  
 'S bhi 'g òl do 'n uisge bheò ud leis  
 'Be cheòl e 's nìle mhiann.

'Nuair dh' fhosgail Dia a shùilean dha,  
 'Sa lùb e 'chridh ris féin  
 'Sa dh' fhoilsich e dha 'n Slànuighear  
 'Sa lànachd ghràsmhor chaoimh  
 'Sa dh' fhairich e na feartan ud  
 A teachd o nèamh a nuas  
 A ghlan e a's a naomhich e  
 A dhol da rioghachd leis suas.

Chuir Dia a mach 'na thròcair e,  
 A thredrachdh a threud,  
 A's lion e chridhe naomba san,  
 Le tròcair chaoimh 's le eud,  
 A's chuir e mach mar theachdair e  
 An t-soisgeuil do gach dùil,  
 Bha 'n daorsa chruaidh is an-ìochd mhor  
 Gun srad do sholus iùil.

'S gach àite riamh sa 'm bitheadh e  
 A' teagasg firinn Dhè  
 Bhiodh Dia e fèin dol maille ris  
 Sa beannachadh na treud  
 Bhiodh toiseachd nèamh air thalamh ac',  
 S na fàitheas a teachd dlùth.  
 An cridh' a deanadh gàirdeachas,  
 'Sa seinn gu h-àird dha cliù.



Bhiodh aca feisdean beannaichte,  
 'Nàm labhairt dha mu'n Rìgh,  
 An uair na sheasadh bhitheadh e,  
 A' tabhairt dhoibh am bìdh;  
 Bhiodh gràs o neamh ga'n ùrachadh,  
 A's driùchd teachd orr' a nuas  
 A's toiseach' òran fhlaithenais,  
 Gu chantainn ann do 'n Uan.

Aig òrdugh naomh na suipeireach,  
 'Nuair bhitheadh pobull Dé.  
 A suidhidh aig na h-òrduighean  
 Réir òrdugh naomha féin,  
 Is iad trid creididh beathachadh,  
 Air aran naomh na treud,  
 'S aig òl do 'n éifachd bheannaichte,  
 Tha teachd o bhàs Mhic Dhe.

An nair mar sin a bhiteadh e,  
 A' frithealadh do 'n bhòrd,  
 A's samhladh bàis an Tighearna,  
 An uidheam ann 's air bòrd,  
 Bhiodh coslas naomh na Diadheachd,  
 Gu sgiamhach ann a ghnùis,  
 'S bhiodh solumteachd ro bheannaichte,  
 R'a faicinn ann a shùil.

'Nuair thòisicheadh air labhairt e  
 Mu fhaireachdainn nan naoimh,  
 A's mu na gràsaibh beannaichte,  
 Bha teachd o n' Athair chaoimh;  
 'S mu fhulangas an t-Slànuighear,  
 'S mu bhàs ro chràiteach cruaidh,  
 A dh' fhuiling e na 'n àite san,  
 A bha dha féin na 'n sluagh.

Biodh dòrtadh às na nèamhan air  
 'S air pobull gràsmhor Chrìosd,  
 'Sa bhàs aca ga chuimhneachadh  
 Gu thigheachd san a rìs,  
 Mar thug e aithn' a's reachdan dhoibh  
 Mu 'n deach e suas air nèamh  
 Gu bhi le Athair beannaichte  
 An cuan a ghaoil a' snàmh.

Chuir Dia an onoir àird ud air  
 Gach àit' 'san robh e riamh,  
 A phobull bhi g'a bheathachadh  
 Le aran cloinne Dhia

Bhiodh Dia e féin dol maille ris,  
 'Sa beannachadh a shaoth'r,  
 'Sa fuasgladh air na h-uireasbhuidh,  
 Bha sinbhal ann an daors'.

Bha riamh a theagasg prìseal leis  
 Na diobraich bhochda thruagh,  
 Nach deanadh ni an sàsachadh,  
 Ach tràth a com an Uain  
 Thug Dia dha gràsan spioradail  
 A dh' ionnaltradh na trend,  
 'Sa n' cuideachadh na 'n ambgharibh,  
 'S na 'n teanntachdibh ro gheur.

Bhiodh coin na h-Eipht a tafunn ris,  
 Oir bha e sgaiteach geur,  
 An aghaidh druigheachd phairisaich,  
 Le 'm meallaidh shallach, bhreun,  
 B' fhear faire e bha firinneach,  
 Air feadh na tìr gu léir,  
 A leigeal ris a chuireadh ud  
 Nach d' théid do lùchairt Dhé.

Thug Dia dha ungadh beannaichte,  
 Is aithne shoileir gheur,  
 Le 'm faiceadh roimh chlànn diolain e,  
 'S roimh innleachd bhràthrean bréig  
 'Sa thuigeadh fos na foirmalaich  
     e 'n toirm ro àird 's le 'm fuaim,  
 A' lùbadh sìos na 'n àoradh san  
 'S cur air an eudan gruaim.

'Nuair dh' éireadh reulta seachranach,  
 Le mealladh measg an t' sluagh,  
 A's daoine faoin is aineolach,  
 Ga'n tarruing leò chum truaigh,  
 Bhiodh e air tìr na faire an sin,  
 'Toirt rabhadh fìor do 'n t' sluagh,  
 'S ga'n tìrèrachadh gu fìitheadanas,  
 Fo chrathadh fola 'n Uain.

Cha snidheadh e gu sodalach,  
 An comunn peacach baòth,  
 'Sann dheanadh e an cronachadh  
 Airson an lochdan claon,  
 Gach àite riamh 'san bitheadh e,  
 Aig imeachd feadh an t' saoghail  
 'B iad pobull bochd an t-Slànuighear  
 Do 'n d' thug e ghràdh sa ghaol.

B'e mhiann is uile dhùrachd san,  
 Bhi cumail dlùth ri Dia,  
 'S bhi naomha mar a Thigearna,  
 B'e sin a rùn 'sa mhiann;  
 'B iad luchd a ghaoil 'sa chomunn sa  
 Am pobull bu le Dia,  
 Air an robh chruth is iomhaidh san  
 A's umhal naomh na 'n triall

'S e thueigadh meirlich 's gaduichean,  
 Rinn thar a bhalla leum,  
 Le 'n cùineadh falsa bradach san,  
 'S gun srad do iomhaidh Dhé,  
 Fo chleoca geal na Diadhaidheachd,  
 Sa 'n diabhol air an ceann,  
 E leò na 'n nile shligheachan  
 Aig imeachd air an ceann.

Bha e ro endmhor firinneach  
 Air taobh àrd Rìgh na 'n sluagh  
 'Nuair dh' eireadh reulta seachranach  
 A' mealladh daoine truagh  
 'S gach uair iad le a 'm briathrean san  
 A' fiaradh firinn Dhé,  
 'Sa dol a thaobh o 'n t-slighe sin,  
 'San d' imich Ios' e féin.

'Nuair thàinig t-am a dh' òrdnuicheadh  
 Le Athair glòirmhor caoimh  
 'Sam fàgadh e na furneisibh  
 A dhol d'a lùchairt naomh  
 'San t-am sin fòs a rànaich e,  
 'San siubhladh e gu nèamh,  
 Gu bhi an cuan a ghaoil san léis,  
 Gu saoghal nan saoghal a snàmh.

Thug Dia a nunn thar Iordan e,  
 Na thrècair mhòr 's na ghràdh,  
 Gu bhi 'na àros glòirmhor leis  
 Os cionn gach bròn a's cràdh,  
 'Sa dh' imeachd leis le gairdeachas,  
 Air sràid na cathrach òir,  
 'Sa bhi gu siorruidh maille ris,  
 Aig amharc air a ghlòir.

'S gu bhi a stigh na shuaimhneas leis,  
 A' snàmh an sud a chuain  
 A bhlàis gu tric 'san fhàsach e  
 'San robh a thàmh 'sa chuairt,

A's bhris a nis an là dha ann,  
 'San aite sud gu bràth,  
 'S bi ghrian na neart a' dealradh ann  
 'S na sràidean sud gach tràth.

A ghuth cha chluinnear tuillidh leinn,  
 Oir shiubhail e chum glòir,  
 A's dh' fhàg e treud an Tighearna,  
 'Na dhéigh a' sileadh dheòir  
 A's chaidh a dhuslach beannaichte,  
 A thasgaidh anns an àir  
 Gu madninn mhòr na h-aiseirigh,  
 'Sam faicear e as ùr.

Ach nis tha esan shuas leis ann  
 Sa chaithir nasal àird,  
 A's òran siorruidh buaidh aig ann  
 Le luaghair air a sràid,  
 'Sa thrusgan glan gu maiseach ann  
 Am feartibh fola 'n Uain  
 A's anam air a naomhachadh  
 Gu fìorghlan anns gach buaidh

Rinn Dia le gràdh ro iongantach,  
 'Na chridhe gràsmhor caoin,  
 A thaghadh san o shiorruidheachd  
 Gu bhì an cuan a ghaoil,  
 A's ghlan le fhuil ro phriseal e,  
 A's naomhaich e 's gach buaidh  
 A's chrùn le glòir 'na àros e,  
 'S le onoir àrd thar luadh.

Far nach bi ann trid siorruidheachd,  
 Aon ni a chur ri bròn,  
 Na nì gu bràth ra fhaicinn ann,  
 'Thoirt air a shùilean deòir,  
 'S far nach bi cridhe truailidh ann,  
 Ga bhuaireadh no ga leòn,  
 'S far nach d' thig buairidh làidir ann,  
 'O shàtan air a chòir.

Ach far am bi gu siorruidh e,  
 Le Criosda ann a ghlòir,  
 An ni bheir sòlas siorruidh dha,  
 'Sa lionas e le ceòl,  
 S le luaghair naomha beannaichte,  
 Air sràid na cathrach shuas,  
 'S le Halleluia shiorruidh ann,  
 Do 'n Athair naomh 's do 'n Uan.

'S far am bi e a sealbhachadh  
 A lathreachd ghràs-mhor chaoim,  
 'Sa seinn le gràdh na chridhe dha,  
 A's sin gu saoghal nan saòghal,  
 'Sa eur gach glèir is onoir ann  
 Gu brath air ceann an Uain,  
 A shaor o pheanas siorruidh e,  
 'S thug leis d'a rioghachd e snas.

'Sa rinn le mana bheathachadh  
 'San fhàsach ann a fheum,  
 'S thug uisg o 'n charraig shiorruidh dha,  
 An uair bha ìota geur,  
 'Sa shaor o laimh gach nàmhaid e  
 A bha dol air a thòir,  
 A chum a sgrios 'sa mhilleadh san  
 Sa 'n t' slighe dh' ionnsuidh glèir.

'Tha nis e ann 's na neamhan leis,  
 A snàmh an sud a cheain,  
 A tha gun tràigh gun iochdair aig,  
 'Trid siorr'eachd leis an Uan  
 A's e co dealrach sgiamhach ann  
 Rì grian ro àird nan speur,  
 A's iomhaigh naomha nasal san,  
 'S gach buaidh da anam féin.

Cha 'n nrainn trid na siorruidheachd,  
 A phobull dileas féin,  
 A's ainglibh naomha fhlaithneas  
 A leth a chur an céil,  
 Do 'n t-sonas naomha bheannaichte,  
 'Tha ann am Paras Dé,  
 'Nuair bhios mu'n t-suipeir shiorruidh e  
 Le Rìgh nan rìgh e féin.

Bi Dia e féin na chòmhnuidh leis,  
 'S na chòir cha tig gu bràth  
 Aon nì an nì a phianadh san  
 Le iargan na le cràth;  
 Bidh latha siorruidh buan aig ann  
 Le uile shluagh nan nàmh,  
 'San gaol na Trianard naomha sud,  
 Gu siorruidh ni e snàmh,

A's bidh toilinntinn 's gàirdeachas,  
 Na làthair ann gu bràth,  
 A's Dia e féin na chòmhnuidh leis,  
 'Na thròcair chaoimh 's na ghràdh,

Is e a seinn a chliù san ann,  
 'Na Lùchairt naomha féin,  
 Le Halleluia luathghàireach,  
 Do 'n Uan gu saoghal nan saoghal.

Bith latha sìorruidh bnan aig ann  
 Mu'n cuairt do 'n Chaithir mhòr,  
 A's dearcaidh e le suaimhneas air,  
 An Uan na uile ghloir,  
 A's teichidh uaith gu sìorruidh ann,  
 Gach ni bheir bàs a's bròn,  
 Roimh dhealradh Grian na fireantachd  
 A' stigh an rioghachd na glòir.

## M A R B H R A N N.

AIR MAGHSTIR NICOL NACH MAIREANN A BHA AIR TUS  
NA MIINISTER ANN AN EILEAN CHIOLLA AGUS 'N A  
DHEIGH SIN AIG T' SEASGAN ANN AN ARAINN.

Cha 'n ioghnadh sinn bhi muladach,  
Ro thùrsach agus tròm,  
Is làn do bhròn ro iomarcach  
'Nar cridhe stigh, 's nar còm,  
Is aon do phrionnsaibh Israel  
Na shìneadh anns an ùir  
Sa bhilean caomh bha labhairt ruinn  
'Na 'n laidhaidh dhol na 'n smùr.

'San leabaidh dhòrcha thosdach sin  
'San gabh sinn uile tàmh  
'S gu latha mòr na h-aiseirigh  
'San caideil sinn gu sèimh,  
Gu ruig an t-àm an cluinnear leinn  
Ard ghuth na trompaid mhòr,  
Toirt gairm dhuinn dol a thachairt air  
Ard bhreitheamh mòr na glòir.

'Se Maighstir Nicol beannaichte  
An neach mu'n deanam sgeul  
Na 'n d' thoireadh Dia dhomh comasan  
A chur a chliù an céill,  
'Sa labhairt air a shubhailcean  
Gu cubhaidh mar bu chòir,  
Is air na buaidhean urramach  
A thug dha Dia na glòir.

Bu phosta mòr san Eaglais e,  
Oir thaghadh e le Dia,  
Is dh' ungadh o na nèamhan e  
Le gràsaibh naomh an Triath;  
Be 'n lòchran lasta dealrach e  
'S b' ann ann bha 'n solus fìor,  
Bha theagasg naomh a' soilseachadh  
Fad iomall crìch na tìr.

Thug Dia dha talann iongantach  
A dh' innaltradh na treud  
'Sa chum na h-nain a threòrachadh,  
'Sa sheòladh e gach beud  
Be 'n t' aodhair dìleas beannaicht e  
Gach là am measg an t-sluaigh  
Ga 'n treòrachadh gu flaitheanas  
Fo bhratach naomh an Uain.

'Sa deanamh eadar dhealachadh,  
 Sann eadar treud is treud,  
 A leigeal ris na 'n comharan  
 A bhuineas do chloinn Dé,  
 Sa rùsgadh suas nam phairisaich,  
 Le 'n aidmheal mharbh is bhreun,  
 Le 'n caiunt ro mhillis blasda-san,  
 'S gun aca ach an fhéin.

Be 'n gaisgeach anns a Chùpaid e,  
 Cur cliù Ichòbha 'n céill,  
 'Sa labhairt ruinn mu 'n t-Slànuighear,  
 'S mu ghràdh da phobull féin  
 A ghràdhaich e o shiorrindheachd,  
 Mu 'n robh ann ni fo 'n ghréin,  
 'S mar dhòirt e fhuil ro phriseal san  
 Gu 'n dion o chorruih Dhé.

'S mar ghabh e 'n claidheamh lasrach nd,  
 'Na anam naomha féin,  
 'Se claidheamh corruich Athar-san,  
 An aghaidh peacaidh threud  
 'S gu rachadh as a chaoiraich san  
 O fhaobhar sud gu bràth,  
 'S gu biodh an cuan a ghaoil iad leis  
 Gu saoghal nan saoghal a snàmh.

Thug Dia dha eòlas iongantach  
 A's tuigse shoileir ghéir  
 Air fhocal naomha bearnaichte,  
 'S air teachdaireachd na réit  
 'Nuair sheasadh anns a Chùpaid e  
 Bu dùrachdach e riamh,  
 A' tagradh riu le ùghdaras,  
 Bhì cumail dlùth ri Dia.

Bu sòlumnt e 's bu bheannaichte  
 'N àm labhairt ris an t-sluagh,  
 Toirt fianuis air an t-Slànuighear  
 'S air tàbhachd fola 'n Uain,  
 Is air na geallidh phriseal sin,  
 Tha sios am focal Dé  
 Do 'n mhuinntir bhoichd is dhìblidh sin  
 A thug do Chrìosd iad féin.

Bha theagasg milis priseal leis  
 Na diobraich bhoichda thruagh,  
 Nach 'eil aon ni sa chruitheachd so  
 Ni subhach iad car uair,  
 Ach anail chùbhraidh bheannaichte  
 O 'n Cheannard shiorruidh Shuas  
 Bhì teachd a nios o fhlaithneas  
 Gu 'n glanadh o gach truaigh.



Chuir Dia a chruth is iomhaigh air  
 'S bu naomh e ann 's gach cùis  
 Bha souas sìth is maiseachd  
 Ra 'm faicinn ann a ghluais  
 Be 'n duine deas is àluinn e  
 'S gun fàilein idir ann,  
 A leithid anns an Eilean so  
 Cha 'n aithne dhuinn san àm.

Bha e ro-uasal, urramach,  
 'S gach cuideachd measg nan daoin',  
 Cha b' aithne dha bhi mìodalach  
 Na idir eutrom faoin;  
 Bha 'n Diadhaidheachd ro shoileir ann,  
 Mar Sholus mòr air sliabh,  
 A' dealradh mach gu maiseach ann  
 Ceart amhuil mar a' ghrian.

Bha chridhe fial a's foghainteach,  
 A's fosgailte do 'n tinn;  
 'Se theireadh na chuir eòlas air  
 Gu robh e 'n còmhnuidh grinn  
 Bha ghluasad naomha iriosal  
 A's imeachd dlùth ri Dia  
 Bu tric bhiodh ann 's na cùiltibh e  
 Aig ùrnuigh ris an Triath.

Be nis an t-aon mn dheireadh e  
 Do dheisciobuil an Triath;  
 A dhùisgeadh suas san Eile anso  
 A theagasg firinn Dhia,  
 'Sa bha na 'n lèchrain bheannaichte  
 'S gach aite agus sgìr,  
 San robh iad air an suidheachadh  
 O cheann gu ceann na tìr.

Nis feudaidd sinne Ichabod  
 A sgrìobhadh sìos gu fìor,  
 Oir dh' fhalbh a ghàidir o Israel  
 Gu buileach às an tìr,  
 A's thàinig steach tuigh dhorchadas  
 A's chòmhdaich e an sluagh;  
 'S tha 'n aodhairean ga 'n treòrachadh  
 Gu dòrainn agus truaigh.

'S tha meirlich agus gaduichean,  
 Rinn thar a bhalla leum,  
 A lionadh suas nan Cùpaidean,  
 San dùthaich so gu léir,  
 'S le 'n teagasg fealltach bradach san,  
 A sgapadh uain na trend,  
 'S na doill aca g'an treòrachadh  
 Chum slochd na dòrainn gheur.



Tha clàdmadh fiar is eagalach  
 San Eaglais anns gach àit',  
 Is daoine truagh ga 'n iomain leo  
 Air sligheachan a bhàis,  
 Tha nithe ùr a's mearachdach  
 Nach facas-leinne riamh,  
 Aig sagartan 's luchd aileachaidh  
 Ga 'n sparradh oirnn gu dian.

Be 'bhàs a chràidh a chomhthional  
 'Sa dhochainn iad gu geur  
 Be 'n sgeula goirt ra innseadh e  
 Do dhilleachdainn na treud,  
 Gu bheil an ti a bheathaich iad  
 Le bainne focal De,  
 Na luidh san uaigh gu tosdach ann,  
 Gun focal às a bheùl.

Ach nis tha 'n obair criochnaichte,  
 A shònruidh dha san Dia,  
 'S tha nis e shuas na àros leis  
 A' dealradh mar a ghrian,  
 San trusgan ghlòrmhor bheannaichte,  
 A cheannaich dha an t-Uan,  
 'Sa seinn a stigh 's a ghlòir ud leis  
 Le oran siorruidh buaidh.

Do 'n Ti a rinn a chrùnadh san,  
 'Na Lùchairt naomha féin,  
 Sa shaor 'na ghràdh 's na thrècair e  
 O dhòrainn shiorruidh 's pèin,  
 Sa shaor o iomadh gàbladh e,  
 'S o dheuchainnibh ro gheur  
 Sa thug a steach da shuaimhneas e  
 'S da ghruaidh a thug gach deur.

Cha ruig anis gu Siorruidh e  
 Aòn nì a chur ri bròn  
 'S cha tachair ann san rioghachd ud air  
 Aòn nì a nì a leòn  
 Ach seinnidh e le gairdeachas  
 Air sraid na Cathrach shuas  
 Le iomhaigh naomha Athar san  
 Na anam anns gach buaidh.

Bidh e fo chraobh na beath an sud  
 Am meadhon Paras Dé  
 Is bidh a toradh beannaichte  
 Cur sonas ann a chridh  
 'S bidh lathreachd naomha bheannaichte  
 An Athar shiorruidh shuas  
 Ga lionadh ann 's na flaitheanas  
 Le sòlas nach gabh luadh.

Cha stad a cheòl gu sìorruidh ann  
 'S cha 'n fhàs e sgith gu bràth  
 Bhi seinn le Halleluia  
 A chliù san thug dha gràdh  
 Sa shaor le fhuil ro naomha san  
 O phiantibh sìorruidh e  
 'S o chuan do 'n teine lasarach  
 Sa 'm biodh e snàmh gu bràth.  
 Sa thug e leis chum fhlaitheanais  
 Trid fhulangas ro mhòr  
 Sa steach do 'n bhaile shona sin  
 Tha uile lan do ghloir  
 Far am bi e gu sìorruidh leis  
 An cuan a ghaòil a snàmh  
 Sa seinn a chliù 's ga ghràdhachadh  
 Gu saoghal nan saoghal gun tàmh.  
 'S bidh 'n t' suipeir shìorruidh bheannaichte  
 Aig an snidh esan sìos  
 Mar laithibh neamh 's na flaitheanas  
 Fad sìoruidheachd gun chrìch  
 Is bidh e 'n sud gu sìorruidh leis  
 Sa Chaithir rioghail mhòr  
 A dearcadh ann le suaimhneas air  
 An Uan na uile ghlòir.  
 An ni bheir sòlas sìorruidh dha  
 Sa lionas e le ceòl  
 Sann leis a chuideachd naomha sud  
 Tha stigh an rioghachd na glòir  
 'S bidh 'n oran naomha' beannaichte  
 Toirt as na nèamhan fuaim  
 An seinn le Halleluia  
 Na Lùchairt namh do 'n Uan.  
 Oir chaidh e steach gu gairdeach leis  
 Do n' àros ghlormhor shuas  
 A dbearcadh ann le gairdeachas  
 Air gloir ro aird an Uain  
 Sa shuidhuidh anns an rioghachd ud leis  
 Rè fad na sìorr'eachd mhòr  
 Le thrusgan geal san Lùchairt ud,  
 Sa ghiùlan crùn na glòir.  
 Sa sheinn a chliù gu sìorruidh ann,  
 'S e naomhaicht anns gach buidh,  
 A's uile glan is ionnlaidte,  
 A's ann an ìomhaigh 'n Uain  
 'S bidh Dia leis anns an àite sud  
 Le làth reachd naomh féin,  
 'S cha dealaich' chomunn naomha ris  
 Gu sìorruidh feadh gach ré.

Bidh e a stigh 'na chùirt san leis,  
 A' seinn a chliù gun bràth,  
 Le sòlas siorruidh suaimeach ann,  
 A's teichidh uaith gach cràdh;  
 A's cha bhi tart na iot air ann  
 Sa Chaithir rioghail mhòr,  
 Oir dlàidh e gu siorruidh ann.  
 Do 'n amhainn fhiorghlan bheò.

A's imichidh gu siorruidh e  
 Air sràidean fiorghlan òir,  
 Na Cathrach naomha bheannaicht' ud,  
 Se baile Rìgh na glòir;  
 'S fad linnibh buan na siorruidheachd  
 Cha bhi na shùilean deòir,  
 Oir bidh a chòmhluidh shuaimeach leis,  
 An Uan na uile ghlòir.

A snàmh an cuan a ghràidh san leis  
 A tha gun tràigh gun chùl,  
 'S bhi leis an Athair naomh an sùd  
 Gu siorruidh' réir a rùin,  
 A stigh 'san rioghachd ro bheannaicht' ud,  
 A' faicinn ann a ghlòir,  
 Sa sheinn a chliù gun sgios air ann,  
 Rè fad na siorr'eachd mhòr.

Is ni cha téid gu siorruidh ann,  
 A bhios na aobhar bhròin,  
 'S cha 'n fhaicear anns an rioghachd ud leis,  
 Ach ni bheir sonas mòr;  
 Bidh cuan do ghlaol na Trian aid aig,  
 Gu siorruidh ann a' shnàmh,  
 Air sgàth na rinn an Slànnighear  
 'Nuair bha san t-saoghal a thàmh.

'San nair a thig an Tighearna  
 Le iolach anns na nèoil,  
 A dhusgadh cuirp na 'm fireanaich,  
 Sa ris a 'n tabhairt beo'  
 Bidh esan anns an àireamh ud,  
 A dealradh mar a' ghrian,  
 'S théid iad a steach gu luaghaireach  
 Da shuaimeach leis an Triath.





















